

續比丘尼傳

卷五
之六

金陵刻經處

南京市淮海路三十五號

郵政編碼 二一〇〇二

電話 〇二五—八四五四—三五四

傳真 〇二五—八四五四—〇四二

公元二〇〇六年重印

續比丘尼傳卷五目錄

清仁和萬善菴尼傳正傳

嘉善某菴尼德容傳

智圓

仁和薛支菴尼石巖傳

姚江伏龍菴尼印月傳

某縣普應菴尼希古傳

華亭某菴尼神一傳

靜維

長洲某菴尼上鑒傳

再生

通州鴻寶堂尼無垢傳

杭州明因寺尼元端傳

蘇州葑溪般若菴尼妙惠傳

金陵舊院尼妙慧傳

曙光

蘇州水月菴尼安生傳

元瑛

蘇州洞庭東山尼宛仙傳

僧鑒

吳江紫雲觀尼妙寬傳

靜婉
性道

滄州插花廟董尼傳

無錫福慧菴尼嶽蓮傳

鎮江某菴尼舒霞傳

悟清

燕都靈官菴尼明本傳

滄州憩水井尼慧堅傳

昆明清淨寺尼妙德傳

杭州湖上老尼傳

蘇州圓通菴尼本印傳

蘇州白衣菴尼遂欽傳

蘇州圓通菴尼律宗傳

蘇州崇佛菴尼佛琦傳

祖潔

金陵慈恩菴尼慧照傳

嘉善淨池菴尼朗然傳

湖州廣嚴菴尼妙成傳

蘇州慈雲菴尼清月傳

秀州某菴尼道乾傳

寧國蘭若菴尼傳

華亭吉祥菴尼道悟傳

文信
禪學

見心

泰州姜堰觀音菴尼悟眞傳

修淨

泰州泰山行宮尼福海傳

慧傳

蘇州某菴尼量海傳

寧波青蓮菴尼明恆傳

黃安綠波菴尼人稀傳

泰州曲塘報本菴尼素文傳

武進大成菴尼青蓮傳

高郵觀音菴尼本蓮傳

緒修

昆明永樂菴尼清法傳

長沙鐵鑪寺尼靈一傳

續比丘尼傳卷五

京口夾山沙門震華編述

清仁和萬善菴尼傳正傳

傳正。仁和繆氏女。爲文學倪昭素副室。昭素連喪子女。及娶繆。得子超鐙。絕嬖愛之。而傳正力辭出世。遂捨身東里坊萬善菴。日夜坐蒲團。八年如一日。嫡王氏。化其真誠。撫其子若已出。昭素歿。嫡與其子無所依。傳正迎養。送其子於藥師菴。又能開示善類。如文學沈希珍妻王氏。觀察沈循妻陸氏。皆師事之。康熙甲寅年五十四。留辭世偈云。五十餘年似夢中。今朝

四大各西東。了明性海無生法。更有何言說苦空。語
畢端坐而逝。超鐙能述其志。

清嘉善某菴尼德容傳

智圓

德容俗姓朱名又貞。嘉善人。性極孝。訾笑不苟。年十
六。適張我璞。閨中賡唱。聞者艷之。後我璞爲科場所
累。全家發遣。乃上疏捐軀贖罪。後爲尼於某菴。味道
苦節。名稱遠聞。其所爲詩。不類凡響。茲爲錄秋色有
感二首。征帆溼淚帶秋風。客路迢遙欲轉蓬。無限憶
君傳織錦。有情長寄白雲空。昨采將離不覺愁。鐘催
殘月獨悲秋。思君旅館應無語。南望多情似水流。又

有尼智圓字湛遠。姓殷。常熟人。亦能詩。其弔彭娥南娥

通州人。夫貧甚。令彭鬻乳以活。彭不從。自經死。云。匹婦得成名。寒門志獨誠。

乳雛憐燕羽。逐婦惡鳩聲。智以窮愁短。身因激烈輕。寸膚如可鬻。涇渭不分明。

清仁和薛支菴尼石巖傳

石巖。仁和蔣氏女。名舜英。幼讀書。警悟。凡技藝。一一涉獵。而於琴尤得絕調。書法董文勉。尤精於斯邈篆隸。亦時作蘭竹小畫。文則工六朝儷體詩。絕似義山。飛卿。初爲巨室侍姬。後祝髮於薛支菴。誦經念佛。精進無減。久之。慧悟濬發。善說法要。能令聞者心開意

解。或懸示經旨。或隨口開示。無不深中肯綮。一時皆尊爲善知識。

清姚江伏龍菴尼印月傳

印月。姚江黃太史冲侄女。自幼不染世緣。生死心切。常喜靜坐。讀雲棲法彙。宛如宿契。遂動出塵之想。十六適東山謝氏。三載便改道粧。進戒杭之理安。後參天童通奇。得悟玄理。慕高峰遠祖遺風。結茅山頂。自稱伏龍菴主。

清某縣普應菴尼希古傳

希古。字蘊宗。祝峯善嗣。住某縣普應菴。上堂。天空海

潤月白風清。在處漁樵起舞。隨方物類生歡。新普應
怎敢違時失候。千差萬別。向者裏一齊坐斷。迥絕諸
訛。踏開生佛頂顙。揭露須彌腦蓋。大眾且道。神通耶。
法爾耶。恁麼會得。盡十方世界。總不出我者裏。若是
門庭施設。也要另出隻手。以拂子畫○相曰。心燈焰
焰傳芳遠。一點無私徹古今。又小參。洪鐘在架。有扣
則鳴。寶鏡當臺。有來則現。諸大德。各各本有一段光
明。用無窮取無竭。灼然一切處不昧著。明鏡洪鐘。無
二無別。自是汝不薦蓋爲妄執。塵勞分別影事。汨沒
生死。浮沉苦海。被根境縛著。累劫難脫。諸人要念直

下便念有什麼相隔處。如不爾者。三根椽下七尺單。
前把身心打疊得乾乾淨淨。仔細諦審。看是什麼物。
者裏翻得身轉。一點也朦你不得。方知吾不汝欺。還
有麼。良久曰。把手勸君行不得。爲人自肯乃方親。

清華亭某菴尼神一傳

靜維

神一字荆隱號淑吉華亭人。夏考功女。于歸未久。有
悼亡之痛。其詩云。蕭蕭鑒元夜。幽室生微涼。眷言念
君子。沉痛迫中腸。音徽日以杳。翰墨猶芬芳。靈帷空
蕭條。齋奠直荒唐。放聲百憂集。泣涕不成章。遂從師
學法。游心至道。靜維亦華亭人。姓盛。諸生慶遠女。爲

神一中表妹。許字侯峒曾第三子。澣未嫁澣亡。命以死。著懷湘賦以見志。來歸上谷。旋斷髮禮神。一受具師資。並以詩名。如秋宵對月云。夜靜天地涼。凭樓獨凝眺。煙樹色離離。雲山望中杳。萬籟寂無聲。數螢流木杪。青燈照羅幙。殘葉鋪池沼。悲者今古情。乾坤徒浩渺。憂懷自蒼茫。至意漠難曉。嫦娥知我愁。流影來相照。當時金石心。千秋同皎皎。又題春草堂云。十載重遊地。孤城帶落暉。西園迷舊迹。北渚長新磯。玉樹人俱盡。金庭事已非。何須聞短笛。獨立自沾衣。

清長洲某菴尼上鑒傳

再生

上鑒字輝宗。俗姓吳。名琪。字蒞仙。號佛眉。長洲人。孝廉。康侯女。管勳室。善畫工詩。能文章。與松陵周飛卿。瓊著有比玉新聲集。瓊贈詩云。嶺上白雲朝入畫。尊前紅燭夜談兵。蓋實錄也。後夫死於官家。了不可問。因祝髮清修。遂不復問人間事。云。句如飄殘絮影遙。知柳啼遍桃花。不見鶯愁來。有句留殘葉。夢去無人問。落花皆大曆佳句。宜爲名媛詩話所賞。所著詞名曰瑣香。尤侗鷓鴣天題女史吳蒞仙畫云。拂水佳人墮馬妝。春來響屐滿橫廊。繡繡甲帳無消息。暮雨瀟瀟空斷腸。筆翡翠。硯鴛鴦。吳綾三尺寫紅窗。青山碧

水無人處亂點桃花賺阮郎。再生亦長洲人。姚姓名
媯俞字靈修。文毅公女孫。亦工詩。其不寐云。殘燈一
點。熱孤擎。門外蕭蕭落木聲。風動庭梅疏影亂。露凝
修竹暮寒輕。支離瘦骨惟供病。牢落愁懷豈爲情。此
夜酒醒魂斷處。半簾明月夢無成。後出家爲尼。著有
再生遺稿。

清通州鴻寶堂尼無垢傳

無垢通州人。姓陳名潔。號石香。監生孫安石室。安石
家饒裕。不善持籌。遂中落。以潔無子。不相得。挈妾婢
異居。潔乃歸母家。久之落髮。卽其祖舊業。所謂鴻寶